



PAEREWĀ 17387 (Taurā 5)

Te whakamārama i te hekenga nui me te whakanoho a te Māori, te whakatairite tikanga Māori hoki, ki tētahi atu iwi o Poronēhia.

(Kaupae 5, Whiwhinga 15)

PUKAPUKA ĀKONGA



K
A
U
P
A
E

5

INGOA	
WĀNANGA/KURA	
KAIAROMĀTAI/KAIAKO	
TAU ĀKONGA NSN	

Tēnā koe

Anei tō pukapuka aromatawai mō te paerewa **17387 Tāpoi Māori: Te whakamārama i te hekenga mai me te whakanoho a te Māori ki Aotearoa, te whakatairite tikanga hoki ki tētahi atu iwi o Poronēhia.**

Te paearu aromatawai

Paetae
Te whakamārama i te hekenga nui a te Māori i Poronēhia; te whakanoho hoki a te Māori ki Aotearoa.
Te whakatairite tikanga, mātāpono, uara hoki o te Māori ki tētahi atu iwi o Poronēhia.

E **WHĀ** (4) ngā tūmahi aromatawai mō te paerewa nei hei whakaoti tika i a koe.

1. Rangahaua te take i heke mai ai te Māori i Poronēhia
2. Whakaatuhia mai ngā kōrero hītōri e ai ki te whakanoho a te Māori, ki ngā ia hoki o te wā i whakawhiti mai ai i Poronēhia ki Aotearoa.
3. Whakamāramahia mai ngā taunaki hītōri e ai ki te awenga o te whakanoho ā-iwi ki te taiao.
4. Whakatairitehia ngā tikanga, ngā mātāpono me ngā uara hoki o te Māori ki tētahi atu iwi o Poronēhia.

Ka whakamārama atu tō kaiaromātai/kaiako e ai ki te wā kei mua i a koe hei whakaoti. Kaua e wareware ki te whakatakoto tohutoro mō ngā kōrero katoa. Me kōrero tahi kōrua ko tō kaiaromātai/kaiako.

Te hāponotanga

E ai ki ngā ture o NZQA:

- Nāu anō ngā mahi katoa i whakarite hei aromatawai
- Mā te kaiaromātai/kaiako e whai whakaaro (e whakatau) mēnā he mahi kua tāruatia, kua kapea rānei i tētahi atu ākonga, i tētahi pukapuka, i te ipurangi, i te aha atu, i te aha atu.

E taea e koe te ako ngātahi, te mahi ngātahi rānei i ētahi atu tangata hei kohikohi kōrero i ngā puna tautoko huhua. Heoi anō, me mātua mōhio nei te kaiaromātai/kaiako nāu anō ngā mahi i whakarite, i whakatakoto. Hei akiaki tonu i te hāponotanga o āu mahi katoa me whakamahi anō koe i āu ake kupu, ā, me noho mai he āpiti tohutoro i āu puna tautoko.

Me he pātai, he āwangawanga anō ōu, kōrero ki tō kaiako.

Pēhia te paehono nei mō ngā tānga kōrero me ngā whakamārama:

<https://www.nzqa.govt.nz/providers-partners/assessment-and-moderation-of-standards/assessment-of-standards/generic-resources/authenticity/>

KO TĀ TE ĀKONGA PEPA AROMATAWAI

INGOA

NSN #

Putanga 1 Te whakamārama i te hekenga mai a te Māori i Poronēhia

Tūmahi Aromatawai 1 – ka arotake hoki tēnei tūmahi i te paearu 1.1

Rangahau kōrero e ai ki te hekenga mai a te Māori i Poronēhia. Me aro hoki ki ngā āhuatanga ohaoha o te wā kia mārama anō ai te take i heke mai te Māori i Hawaiiki ki Aotearoa.

Kōwhiria tētehi o ngā tukanga whakaatu e whai nei:

- He tuhinga kōrero (500-600 ngā kupu)
- He whakaaturanga rauata (15 miniti)
- He whakaaturanga (whakaari, mōteatea, waiata, te aha atu, te aha atu)

Me whakarārangi kōrero i āu ake kupu, ā, me whakarārangi tohutoro hoki i au puna tautoko.

Tūmahi aromatawai 2 – ka arotake hoki tēnei tūmahi i te paearu 1.2

Whakamārama mai i ētahi taunaki e ai ki te whakanoho a te Māori me ngā āhuatanga o te wā i pā mai i te whakawhitinga i Poronēhia ki Aotearoa.

Whakamāramahia mai ngā āhuatanga nohonoho e **TORU** (3) e whai nei:

Te hī ika; te whakangau kararehe; te kōhi kai; te ngaki mārā; te kai, te hanga whare, te hanga hapori, ngā tohu, ngā aha atu, ngā aha atu.

Me whakamārama hoki i ngā āhuatanga nohonoho ki Hawaii, ki te iwi Lapita, ki Rapanui, ki te kaiurungi a Thor Heyerdahl rānei.

E **ONO** (6) ngā āhuatanga hei whakamārama.

Me whakarārangi kōrero i āu ake kupu, ā, me noho mai he tohutoro hoki i au puna tautoko.

Tūmahi aromatawai 3a

Mā te whakaahua arorangi o te whakanoho ā iwi ki Aotearoa, kōrero mai mō te kanorau o ngā wāhi nohonoho, ā, whakamārama mai hoki te hiranga o te whakanoho iwi ki te taiao.

Me mātua kōrero mai mō ngā tauira e **WHĀ** (4) e whai nei:

Te whakangau kararehe; te hī ika; te horanuku; te ahu whenua; te wai; te hau takiwā, te āhuarangi; te toitūtanga; te moana; ngā tāngata (hapū/iwi) ngā aha atu, ngā aha atu.

Tūmahi Aromatawai 3b

Kōrero mai mō ngā taunaki hītōri huhua o te whakanoho iwi i tō rohe e ai ki te whānau, ki te hapū, ki te iwi rānei.

Kōrero mai mō ngā tirohanga ā-iwi e **RUA** (2): karakia, mōteatea, pakiwaitara, pūrākau, whakapapa.

Me whakamārama i ngā hua, i ngā hua kore hoki o te tauhokohoko me ngā āhuatanga papori ki te whānau, ki te hapū, ki te iwi rānei:

Me whakamārama i ngā taunaki e **RUA** (2) e ai ki ngā hua, ngā taunaki e **RUA** (2) anō hoki mō ngā hua kore.

Tūmahi Aromatawai 4

Whakatairitehia ngā tikanga, ngā mātāpono me ngā uara Māori o te manaaki tāngata ki ērā o tētahi atu iwi o Poronēhia.

Ko ngā tikanga, ngā mātāpono me ngā uara Māori e pēnei ana i te atua, te haka, te kai, ngā kākahu, ngā kupu, ngā poroporoaki, ngā pōwhiri, ngā toi, ngā waiata, ngā whakairo, ngā whaikōrero, ngā whare, ngā aha atu, ngā aha atu.

Whakamāramahia mai ngā tikanga e **WHĀ** (4).

Ko ngā uara Māori e pēnei ana i te manaakitanga, te tapu, te aroha, te aroha ki te tangata, te whanaungatanga, te kotahitanga, te aha atu, te aha atu.

Whakamāramahia mai ngā uara e **WHĀ** (4)..

Te rārangi tohutoro:

He pitopito kōrero: